




1608_290v.jpg




1608_291r.jpg




1608_291v.jpg



1608_292r.jpg



1608_292v.jpg




Le Mercure François, ou,
 1608. Monts s'embarque pour son retour & laisse du
 Pont son Lientenant avec Champ-doré &
 Champlain qui travaillerent avec telle dili-
 gence à leur nouvelle demeure, qu'avant que
 l'Hyver fust venu leurs logis furent acheuez.

L'Hyver venu, les Sauvages du pays s'assem-
 blerent de diuers endroits & vindrent au Port
 Royal pour y troquer des peaux de Castors,
 Loutres, Ellans, & des chairs fresches; l'habita-
 tion s'y trouua vn peu meilleure qu'à l'Isle
 S. Croix; bien qu'il y en eust six qui mouru-
 rent de la mesme maladie que les autres auoient
 faict l'an passé.


La mer estant deuenüe nauigable, le sieur
 du Pont faict equipper la barque, pour descou-
 urir nouuelles terres, mais en y allant, vn vent
 le poussa contre des rochers où elle se perdit:
 tous ceux qui estoient dedans furent sauez;
 Celà fut cause qu'en cest Esté il ne se fit aucune
 descouuerte, & fut tout ce que les François
 peurent faire que de preparer vne autre bar-
 que & vne patache pour venir chercher des
 vaisseaux François où se faict la pesche des
 Moruës, afin de retourner en France avec eux,
 le cas aduenant que le sieur des Monts n'en-
 uoyast aucun Nauire pour les secourir.

Le mois de Iuin de l'an 1606. estant passé, le
 sieur du Pont voyant que personne n'estoit ve-
 nu de France pour se mettre en sa place, charge
 sa barque & sa chaloupe de ce qu'il auoit de
 pelleteries, ne laisse que deux François dans le
 Port Royal, & fait voile pour aller chercher
 quelques Terreneuuiers où on pesche les

1608_293r.jpg



1608_293v.jpg



Le Mercure François, ou,
1608. ce pays-là: & le Printemps estant arriué, il donna ordre de faire accommoder deux barques.

*Son retour
en France.*

La société du sieur des Monts n'estant si profitable à ses compagnons, comme ils esperoient, ils la rompirent; tellement qu'il fut contraint, renvoyer querir le sieur de Poitrincourt, lequel fut fâché de s'en reuenir en France, & abandonner du tout le fort du Port-Royal, & Sauvage Membertout, sans y laisser aucun François. Avant que partir, il attendit la maturité des bleds & fruits de tout ce qu'il auoit semé, & en apporta en France, où il arriua sur la fin de Septembre, n'ayant laissé aucun François hyuerner en ces pays-là.


Plusieurs choses furent cause de la rupture de la société du sieur des Monts: entr'autres vn Capitaine la Jeunesse f'estoit mis avec quelques Holandois & auoient enleué tous les Castors de la grande riuere de Canada, ce qui tourna au grand detrimement de la société: Ils firent aussi des ennemis à cause des vaisseaux qu'ils prirent: toutesfois en ceste année le Roy ayant derechef confirmé les Priuileges au sieur des Môts, avec les mesmes deffences, il a enuoyé encor trois nauires, & vne Colonie sous la conduite de Champdoré & Champlain: Champdoré a repeuplé le Port-Royal, & Champlain a fait vne nouuelle habitation à Kebec: ainsi que les pilotes des Nauires qui les y ont conduits ont rapporté estant de retour.

*Voyage de
Champdoré
& Cham-
plain, 1608.*


*Barthelemy
Lancelque
(se faisant
appeller*

Nous auons cy-dessus dit les faulsetez & suppositions de l'Italien Fava, executé au mois de Mars à Paris; Et au mois de Septembre

1608_294r.jpg



1608_294v.jpg



Le Mercure François, ou,
1608. nier à la Rote pour ses piperies en recherchant
des thresors & la pierre Philosophale, dont il
auoit esté deliuré par grace. Bref sa mauuaise
vie & son imposture furent la cause de la puni-
tion qu'il endura.

*Jubilé
octroyé par
le Pape
Paul V.* Le sixiesme de Septembre le Pape fit publier
à Rome vn Jubilé, afin de prier Dieu pour
l'vniou des Princes Chrestiens, & l'extirpation
des heresies. Ce Jubilé se commença à Paris
huiet iours deuant l'Aduent, & dura 15. iours.

*Reception
du Duc de
Neuers à
Rome, estant
enuoyé en
Ambassade
vers le Pa-
pe par sa
Maieité
tres-Chre-
stienne.* Sur la fin de ceste annee le Roy enuoya le
Duc de Neuers à Rome pour rendre l'obe-
dience filiale enuers le Pape & le S. Siege. Ceste
Ambassade en magnificence a esté la plus belle
qu'aucune autre qui ait esté faicte par le passé:
les preparatifs s'en firent à Paris, & le Duc don-
na le rendez-vous à tous ceux qui le deuoient
accompagner, à Marseille, où il monta avec
toute sa suite sur quatre galeres, qui le porte-
rent à Sauonne, & de là à Genes, où il fut re-
ceü avec tous les honneurs qu'il eust peu de-
sirer par la Republique, laquelle enuoya à sa
descente nombre de gens armez: à l'entree de
la ville quatre Senateurs le conduirent iusques
au Senat, où ils l'honorèrent du premier siege.
De Genes reprenant la mer il arriva deuant
Ciuita-Vecchia ville de l'obeyssance du saint
Siege, le 18. Nouembre, où il salua, & puis fut
salué de plusieurs canonnades.

*La reception
qu'on luy fit
à Ciuita-
Vecchia.* Les Deputez ordonnez par sa Saincteté pour
l'y receuoir, s'estans mis dans vn esquip arriue-
rent à l'instant & monterent dans la Gallere de
la Royne, où estoit ledit Duc de Neuers. Apres

1608_227v_Table_6.jpg




Image issue du site mercurefrancois.ehess.fr - Cliché (c) Cécile Soudan